

6²

CIVITATI HISPALENSI

NOBILISSIMÆ, FIDELISSIMÆQUE, &c.

SE, SUASQUE

THESES THEOLOGICAS

EX TRIGINTA

S. P. AUGUSTINI

EPISTOLIS ERUTAS

*P. Fr. BENEDICTUS EUGENIUS Ponze, Collega S. Acacij, in
sui, & nomine Præsidis P. Fr.
Petri Garrido, Vespertinae Cathedrae moderatoris, & Bibliothecae
ad Publicam utilitatem
Bibliothecarii*

HUMILIME CONSECRAT.

Naeto Permissu : Hispali, Typificio Majori ejusdem
valdè Nobilis, maximèque Fidelis Civitatis.

THE UNIVERSITY OF CHICAGO

LIBRARY

540 EAST 57TH STREET

CHICAGO, ILL. 60637

1955

1955

1955

1955


1955

1955

1955

1955

1955





EXCELLENTISSIMO PRINCIPI
NOBILISSIMO, ET FIDELISSIMO
S. P. Q. H.



I Patrocinium,
Tuamque ergà me benevolentiam, reli-
gioso, vt fas est, obsequio rependere
A2
stu-

studeam , quamplurima gratitudini occurrunt , quæ plura folia , clarissimosque libros adimplere sufficerent. Sed non diffusum intendo sermonem. Stylo brevi, impar obsequium meum ad Aras Tuas exponendum curabo. Fidelitas ergò , & nobilitas Principem exaltant , exornant, perlustrant ; & phœbo clariorem venditant æternam Tuam fidelitatem ergà Nostros Hispanicos Reges Fama personat , rumorem gratissimum vltra mare , imò vsque ad terræ remotissimos fines evehit , expargit; Te solam Fidelissimam, experienciâ, omnes invident ; omnibus æmulatio factâ, ni dicam omnium es clarissimæ fidelitatis exemplum, & norma. Quinimò Tu Fidelissima omnium prima copiosissimum ærarium Regi nostro Catholico obtulisti , vt bellicum inimicorum evinceret furorem, vt sustineret sceptrum , vt imminentes redimeret angustias . Non antiquitatem consulam. Temporibus hujus nostri sæculi hoc obsequium , Tuam Fidelitatem prospeximus,
le-

legimus, & si fas est, testabimur. Nec
imparem esse Fidelitati Tuæ Nobilitatem
clarissimam, per antiquæ probant Historiæ,
quibus occurrendum non est. Loquantur
per illustres Senatores Marchiones, Du-
ces, quibus Tuum Corpus splendet,
qui, & Tua Capitularia insignia in gratif-
simam sui memoriam habere se jactant.
Demum, si beneficentia proprium est no-
bilitatis argumentum, Cives clamant se
Tuis magnificis impensis à temporis an-
gustia pluriès redemptos. Te, inquam, erga
me, Excellentissime Princeps, beneficen-
tissimum aliàs fuisse, non diffitebor. Ita-
què præsens munusculum, leve quidem
per exiguos meorum in S. P. Augustini
Doctrina studiorum fructus, propitio,
clementique, vt assoles, vultu dignare.
Quod si Solis in morem collibus simul,
vallibusque beneficio radiorum cultu fæ-
cunditatem inspirantis, jacens ingenium
meum Patrocinio tuo exexeris, maturio-
res literarios fætus Auspicatissimi Nominis
tui honore obsignandos polliceor, Interim
Mag-

Magnitudinem tuam, Nobilitatem claris-
simam, Fidelitatem singularem in Ævum
duraturam à Superis deprecatus, demisso
animo, vultuque studia laboris mei in
hac Publica Bibliotheca deponere, &c.

INTRODUCTIO.

ENIM VERÒ CUM JAM SIT INDUBITATUM Editionem Epistolarum Augustinianarum postremam Parisiensem an. 1679. ceteris omnibus præferendam esse, & Epistolas enumerare eo ordine, quem S. Parens Augustinus exoptat in fin. prologi Retract. carum seriem Nos servaturi sumus.

CLASSIS I. CONTINENS TRIGINTA
*Epistolas, quas S. Parens Augustinus scripsit
 nondum Episcopus ab anno Christi
 386. ad 395..*

PHILOSOPHICA-CRITICA.



PISTOLA I. ad Hermogenianum:
 aliàs 213. scripta circ. finem an.
 386. tres Libros, quos Augusti-
 nus scripsit contra Academicos,
 supponit absolutos. Et quoniam
 præcipuum hujus Epistolæ argu-
 mentum est, Augustinum Li-
 brorum de Academicis aperire consilium, & Her-

2
mogenianam Sententiam rogare de eo, quod sub
finem tertii libri de iisdem Philolophis pronun-
tiavit: asserimus, S. Parentem duo illa redarguisse
Academicorum effata: *Nihil percipi posse; Nulli
rei debere assentiri* in lib. 3. c. 10. n. 22. Sanctam-
que Matrem Monicam (quæ, ut inquit S. Parens,
ipsam prorsus arcem Philosophiæ tenuit) iustam
de ipsis protulisse Sententiam per hæc verba: *Isti
homines Caducarii sunt.* Lib. de Beata Vita in fin.
disput. 1. dici.

M O R A L I S.

IN Epistola II. aliàs 214. scripta circa idem tem-
pus, Zenobio Augustinus exponit suum de-
siderium, ut disputationem (in Libris de
Ordine) inter se cæptam, inter se finiant. Et quia
haud dubiè Zenobius is est, cui nuncupati sunt
Libri de Ordine editi exeunte an. 386: opus qui-
dem, quod, ut S. Parens scribit lib. 1. Retr. c. 3.
sic incipit: *Ordinem rerum Zenobii*, fateturque in
eisdem magnam versari quæstionem, & ad intelli-
gendum, difficilem, satisque agrè ad eorum per-
ceptionem, cum quibus agebat, disputando, posse
perduci, de Ordine studendi loqui maluit, quo
corporalibus ad incorporalia potest profici. Qua-
propter noscimus, tunc studia proficua esse, quan-
do præcepta sequuntur, & exequuntur; *hæc edo-
cean-*

ceantur. „ Adolescentibus ergò studiosis ita vi-
 „ vendum est, ut à veneris rebus, ab illecebris
 „ ventris, & gutturis, ab immodesto corporis
 „ cultu, & ornatu, ab inanibus negotiis ludo-
 „ rum, à torpore somni atque pigritiæ, ab
 „ æmulatione, obrectatione, invidentia, ab
 „ honorum, potestatumque ambitionibus, ab ip-
 „ sius etiam ludis immodicâ cupiditate se abs-
 „ tineant. Amorem autem pecuniæ totius suæ spei
 „ certissimum venenum esse, credant. Nihil ener-
 „ vitè faciant, nihil audacitè. In peccatis autem
 „ suorum vel pellant omninò iram, vel ita fræ-
 „ nent, ut sit pulsæ similis. Neminem oderint.
 „ Nulla vitia curare velint. Magnòperè observent
 „ cùm vindicant, nè nimium sit; cùm ignoscunt,
 „ nè parùm. Nihil puniant, quod non valeat ad
 „ melius: nihil indulgeant, quod vertat in pèjus.
 „ Suos putent omnes, in quos sibi potestas datâ
 „ fuerit. Ita serviant, ut ejus dominari pudeat:
 „ ita dominantur, ut eis servire delectet. In alio-
 „ norum autem peccatis molesti non sint invito.
 „ Inimicitias vitent cautissimè, ferant æquisimè,
 „ finiant citissimè. In omni verò contractu, &
 „ conversatione cum hominibus, satis est servare
 „ vnum hoc vulgare proverbium: Nemini faciant
 „ quod pati nolunt. Rempubicam nolint admi-
 „ nistrare, nisi perfecti. Perfici autem vel intra
 „ ætatem Senatoriam festinent, vel certè intra
 „ -III-
 B
 ju-

„ juventutem. Sed quisquis ferò ad ista se conver-
 „ terit, non arbitretur, nihil sibi esse præceptum:
 „ nam ista vtriquè faciliùs decocta ætate servabit.
 „ In omni autem vita, loco, tempore, amicos
 „ aut habeant, aut habere instent. Obsequantur
 „ dignis etiam non hoc expectantibus. Superbos
 „ minùs curent, mininè sint. Aptè, congruentèr
 „ que vivant. Deum colant, cogitent, quærant,
 „ fide, spe, charitate subnixi. Optent tranquill-
 „ tatem, atque certum cursum studiis suis, om-
 „ niumque lociorum, & sibi quibusque possunt
 „ mentem bonam, pacatamque vitam.

T H E O L O G I C A.

E Pistolam III. ad Nebridium, olim 151. scrip-
 an. 387. Augustinus ex Agro Cassiciaco de-
 dit. Ex n. 4. deprompsimus, pulchritudi-
 nem corporis consistere in partium congruentia
 cum quadam coloris suavitate. Quare conformitèr
 ad hæc, subscribimus vltro ac lubentèr opinioni
 Theologorum, ac Criticorum, qui Christi Corpori
 concedunt singularem venustatem in apta
 partium dispositione, convenienti sta-
 turâ, ac temperato colore
 constitutam.

E Pistola IV. aliàs 97. scrip. circa id. temp. Augustini est ad ipsum Nebridium. At ex hac colligimus, aliàs (quæ nunc desiderantur) scriptas esse à Nebridio literas, quibus familiari libertate ab Augustino amico ejus petierat quantum profecisset in *sensibilis, atque intelligibilis naturæ discernentia* ut ex n. 1. „ Hicque S. Parens „ inquit: Sed non arbitror, occultum tibi esse, si „ fallis opinionibus tantò quisque inferitur magis, „ quanto magis in eis familiariusque volutatur, „ multò id faciliùs in rebus veris animo accidere. „ Ita tamen paulatim ut per ætatem proficimus. „ Quippè cùm plurimum inter puerum, & juvenem distet, nemo à pueritia quotidie interrogatus, se aliquandò juvenem dicet ... Et n. 2. sic: „ Nam plerumquè perturbatos, & sensibilibus plagarum (id est phantasiarum) curis refertos „ mentis oculos illa tibi notissima ratiuncula in „ respirationem levat, mentem, atque intelligentiam oculis, & hoc vulgari adspectu esse meliorem: quod non ita esset, nisi magis essent „ illa, quæ intelligimus, quàm ista, quæ cernimus. Hanc responsionem defendimus.

P H I L O S O P H I C A.

E Pistolæ V. olim 94. scrip. circ. fin. an. 383. & VI. aliàs 71. scrip. circ. init. an. 389. sunt ejusdem Nebridii. In quarum 1. brevi, & eleganti optat, ut Augustinus in rus suum concedat, & quasi angitur æmulatione, quod nimium ametur à Civibus Thagastensibus: velet enim, ut à negotiis aliquantulum cessaret, ac secum literarum otio frueretur ... In altera autem Epistola quærit Nebridius, quid sit discriminis inter phantasiam, & memoriam? Cui Epistolæ, & quæstioni respondet S. Parens.

E Pistolâ VII. aliàs 72. scrip. cit. id. temp. in qua ostendit, & Nos, ipsum sequentes, ostendemus, memoriam absque phantasia esse posse: phantasiâ verò non nisi ex sensibus derivari ... *Utque facilius percipiatur isthæ responsio, imaginum, quas phantasias Nebridius nuncupat, tria genera S. Parens cap. 2. n. 4. explicat; quorum enim est sensus rebus impressum; alterum putatis, tertium ratis.*

T H E O L O G I C A - C R I T I C A.

IN Epistola VIII. olim 1245. scrip. paulò post sup. Nebridius petit ab Augustino, quomodo imagines, ac somnia subrepant dormientibus, & qua ratione à Superioribus Potestatibus vel à Dæmonibus inferantur? Huic S. Parens respondet.

Epis:

EPISTOLÂ IX. aliàs 115. scrip. circ. id. temp. in qua laudat Nebridii ingenium, commendat Epistolas, solvitque propositas quæstiones, explicans, quomodò animus vestigia sui motus figat in corpore, appareantque illa *aereis, æthereisque animantibus*. Verùm cùm Nostra sit, quando S. Parentis Augustini honor lacelsitur, ipsum ab adversariorum dictis vindicare; non immeritò pro nunc asserimus; quòd etsi putemus horum *animinum nomine Augustinum significasse Dæmones*, quibus illa ætate corpus aliquod attribuebat; contemnendas esse objectiones, & Adami dicentis, docuisse Augustinum, *Animas, & Angelos esse corporeos, ac solum Deum esse immaterialem*, pag. 585. & Moraines scribentis: *Sentit etiam, Angelos, & Dæmones esse corporeos* ... Postremo, S. Parens n. 4. sic iram definit: *Ira est turbulentus appetitus auferendi ea, quæ facilitatem actionis impediunt.*

M O R A L I S.

IN Epistola X. olim 116. scrip. circ. id. temp. ait Augustinus receptas à te literas Nebridii recentissimas, quibuscum arguebat, quòd considerare negligeret, vt simul vitam traducerent. Et n. 2. sic S. Parens loquitur: *Profectiones ergò quas quietas, & faciles habere nequeas, per totam cogitare vitam non est hominis de illa vna ultima,*
que

*quæ mors vocatur, cogitantis; de quâ vel solâ intelligen-
tis verè esse cogitandum.*

T H E O L O G I C A.

E Pistola XI. aliàs 218. scrip. circ. id. temp. ad eundem Nebridium. In ea quæ S. Parens, ut ex n. 2. assumit quæstionem, cùm in mysteriis, & Sacris nostris hominis susceptio Filio tributa celebratur? Nos igitur quid S. Parenti ergà hoc quæsitum visum fuit: in sequenti propositione demonstramus: Hominis susceptio soli Filio tribuitur cum Personæ Divinæ sint inseparabiles.

E Pistola XII. quæ itidem Nebridio est olim 269. scrip. circ. id. temp. Quæstionem in superiori Epistola perstrictam, iterùm tractandam suscipit S. Parens. Et quamvis dicat, id quod de Filio Dei quæritur, cùm ipsi potiùs dicatur hominem suscepisse, quàm Pater, cum simul vterque sit, ineffabile quiddam esse, dignosci facillimè posse, si præ oculis mentis habeamus hanc expositionem: *Disciplina ipsa, & forma Dei, per quam facta sunt omnia, quæ facta sunt, filius nuncupatur.*

Epistola XIII. olim 218. scrip. fortè an. 389. certè ante an. 391. eruitur inter Nebridium, & Augustinum crebrò fuisse disputatum de quodam *quasi corpore animæ*, quod *vehiculum* apelabant. Quam tamen quæstiunculam ut ex n. 2. Augustinus dimittendam existimavit, quoniam videbatur, posse ex illa gigni temerariam nimis, atque nugatoriam opinionem. Exindè S. Parens ad Filios suos monita dirigens, quid similibus in controversiis, quæ ad ingenii exercitationem agitantur, sit ipsis agendum.

PHILOS. CRITICA.

EX Epistola XIV. olim 115. scrip. cir. id. temp. cognoscimus, Nebridium aliàs ad Augustinum dedisse literas (quæ nunc desiderantur) & quibus S. Parens num. 1. respondet sic:
 „Recentissimis literis tuis respondere malui, non
 „quod contempserim præcedentia quæsitæ tuæ,
 „minùsvè me delectaverint; sed quòd in res-
 „pondendo majora, quàm opinaris, molior. Qua-
 „propter cùm certum sit, Nebridium in suis literis
 „movisse nonnullas de *Sole* quæstiones, ut patet ex
 num. 2. pro nunc non immeritò refellendus est
 Moraines opponens S. Parenti: *Item dubitavit, num*
Sol, & Luna, aliaque sydera, quæ oculis conspici-
mus, sint animata.

E Pistolam XV. aliàs 113. script. an. 390. ad Romanianum Augustinus dedit: significans scriptum à se Opusculum de Catholica Religione transmittendum Romano ipsi. Hic certè Liber est, quem S. Parens lib. 1. Retr. cap. 13. nominat *de Vera Religione Librum*, script. circiter an. 390. & de quo PP. Benedictini è Congregatione S. Mauri sub finem admonitionis ejusdem libri hæc verba tradunt. Certè *Liber de Vera Religione*, si quis alius, hoc elogium (alludens ad quod in Epistola 25. Paulini, de qua infra profertur) *Augustino demerebatur*. Etsi enim recens tum, cum eum scripsit, in veræ religionis partes perductus esset, nec alio quàm Christianæ Catholicæ nomine præditus; eo tamen sublimi modo Christianæ Religionis Sacramenta exponit, oppositorumque dogmatum in primis Manichæorum revellit fundamenta, ut jam absolutissimi doctoris, & strenuissimi Episcopi vices impleverit.

P O L E M I C A.

E Pistola XVI. aliàs 43. Scrip. cir. an. 390. Maximi Maudarenfis ad Augustinum. In ea que Maximus, ut Ethnicus, intendit excusare à Paganis Vnum Deum variis nominibus coli, &c. Cui S. Parens respondet.

E Pistola XVII. aliàs 44. scrip. circ. id. temp.
 sed sic, vt ostendat indigna Paganorum,
 quibus respondeatur, digna, quæ ridean-
 tur... Et in fine hujus Epistolæ S. Parens sic fatur.
 „ Ad summam tamen, nè te hoc lateat, & in sa-
 „ crilega convitia imprudentem trahat, scias à
 „ Christianis Catholicis, quorum in vestro oppido
 „ etiam Ecclesia constituta est, nullum coli mor-
 „ tuorum, nihil deniquè vt numen adorari, quod
 „ sit factum, & conditum à Deo, sed vnum ip-
 „ sum Deum, qui fecit, & condidit omnia...
 Nos addimus, ex hoc non sequi, nefas esse ho-
 norem, cultumvè SS. Martyribus impendere.

V A R I A.

E X Epistola XVIII. aliàs 63. scrip. circ. id. tem.
 ad Cœlestinum, eruitur, Augustinum ad-
 versum Manichæos Libros paratos & emen-
 dados misisse ad eundem Cœlestinum. Et nunc
 ut eos restituat, Augustinus rescribit. In fine verò
 Epistolæ hujus, Naturarum triplex genus S. Pa-
 rens perstringit.

M O R A L I S.

E X Epistola XIX. olim 84. scrip. cir. id. tem.
 ad Gaium, cognoscimus, S. Parentem sua
 efficacissima disputatione traxisse ad Eccle-
 siam ipsum Gaium, qui ab ipsa alienus antea erat.

C

Et

Et ut perseveret in bono proposito, à S. Parente
adhortatur.

T H E O L. D O G M.

E Pistolam XX. aliàs 126. scrip. cir. id. tem.
ad Antoninum dedit Augustinus, qui ei
gratias refert pro existimatione bona, ac
diligentiâ sibi impensâ; optatque S. Parens, ut
tota Antonini Familiam Catholicam Religionem
profiteatur. Hâc igitur narratione, quod corde
credimus, firmitè tenemus, & verè confitemur,
vnâ fidem, & devotionem veram solam esse
catholicam, hinc propugnâmus.

T H E O L O G I C A.

E Pistola XXI. aliàs 118. scrip. incunte an.
391. ad Valerium Episcopum, à quo Au-
gustinus in Presbyterum ordinatus erat.
Cum enim argumentum istius Epistolæ sit, S. Pa-
rentem obsecrare Valerium, ut patiatur ipsum in
secessu precibus & studio, ut sit idoneus imposi-
to sibi muneri Presbyteratûs, & ad dispensandum
fidelitè Verbum Dei animabus; deducimus, Pres-
byteros & Predicatores teneri ad lectionem Sacra-
Scripturæ, & SS. Patrum, qui illam sano, & ca-
tholico sensu abs dubio explanant.

E Pistolam XXII. aliàs 64. scrip. circ. an. 392. ad Aurelium Episcopum Carthaginensem dedit Presbyter Augustinus, qui totus zelo Religionis indutus, & deflens commestationes & ebrietates per Africam in cæmeteriis & memoriis Martyrum frequentari specie religionis, doctrinam Nobis paravit, vt nunc defendamus, absurdum scèdumque esse Commestationes & ebrietates in honorem Beatorum Martyrum concessas, & licitas putari. . . Sed ampliùs perscrutator in hac epistola inueniet, si maturiùs adhibeat lectionem. Certe adinueniet, & Nos habemus ex n. r. circa annum 392. iam erectum ab Augustino fuisse Monasterium, in quo *Fratrum Cætus coalescere ceperat.*

THEOL. DOGM.

E Pistolam XXIII. aliàs 203. scrip. cir. id tem: Maximino Episcopo Donatistæ, de quo Diaconum catholicum rebaptizasse dicebatur, Augustinus scribit, invitans illum vel ad colloquium, vel ad rescribendum, ut concordia Ecclesiæ farciatur. Ex quo facto eruimus, baptismum semel collatum, nunquàm esse iterandum.

E Pistola XXIV. aliàs 35. scrip. sub fin. an. 394. ante hyemem. Quamvis Paulini sit ad Alipium, inter Augustinianas recensetur. In hacque Paulinus Alipio Episcopo notum facit, se Libros Augustini recepisse ut ex n. 1. *Accepimus enim insigne præcipuum dilectionis, & sollicitudinis tue, opus Sancti & perfecti in Domino Christo viri, fratris nostri Augustini libris quinque confectum, quod ita miramur, ac suspicimus, ut dictata divinitus verba credimus...* Num. 3. Paulinus se excusat, quòd seriùs miserit ad Alipium Eusebij Episcopi Constantinopolitani Historiam de cunctis temporibus... Num. 4. Cupit edoceri de genere, & vita Alipii... Et n. 5. Paulinus de se ipso nonnulla aperit.

LAUDATORIA.

E Pistola XXV. aliàs 31. script. cum super. à Paulino, ad Augustinum missa. In hac verò exquisitis laudibus Paulinus Augustinum exornat pro quinque ejus adversùs Manichæos libris, quos ab Alipio acceperat. Aliqua proferamus Epistolæ elogia in S. Parentem. Sub med. n. 1. Paulinus inquit: „ Hos igitur nunc libros lectio-
 „ ni habeo: in his me oblecto; de his cibum
 „ capio, non illum, qui perit, sed qui operatur
 „ vitæ

„ vitæ æternæ substantiam per fidem nostram, qua
 „ adcorporamur in Christo Jesu Domino nostro.,
 „ O verè sal terræ, quo præcordia nostra, nè pos-
 „ sint sæculi vanescere errore, condiuntur. O
 „ Lucerna dignè supra candelabrum Ecclesiæ po-
 „ sita, quæ latè Catholicis vrbibus de septiformi
 „ lychno pactum oleo lætitiæ lumen effundens,
 „ densas licèt hæreticorum caligines discutis, &
 „ lucem veritatis à confusione tenebrarum splen-
 „ dore clarifici sermonis enubilas. . Ille, qui plu-
 „ ra S. Parentis Augustini elogia scire exoptat, hanc
 Paulinianam Epistolam legat.

M O R A L I S.

E Pistola XXVI. olim 39. script. fortè an. ineun-
 ti 395. Licentio Juveni, docto, & nobili
 Augustinus timens, illum rebus mortalibus
 validissimè & perniciosissimè compediri, hortatur ad
 mundi contemptum per hanc propositionem. Vin-
 cula hujus mundi asperitatem habent veram, jucu-
 ditatem falsam; certum dolorem, incertam volup-
 tatem; durum laborem, timidam quietem; rem
 plenam miseriæ, spem beatitudinis inanem.

L A U D A T.

E Pistola XXVII. aliàs 32. script. cir. ineu. an.
 395. ad Paulinum dedit Augustinus am-
 plectens illius benevolentiam (de qua in
 Epist. 25.) & mutuam declarans amorem. Verba
 ali-

aliqua hujus Epistolæ demus ex n. 2. „ Legi enim
 „ literas tuas fluentes lac & mel, præferentes sim-
 „ plicitatem cordis tui, in qua quæris Dominum,
 „ sentiens de illo in bonitate, & afferentes ei cla-
 „ ritatem & honorem. Legerunt fratres, & gau-
 „ dent infatigabiliter, & ineffabiliter, tam vbe-
 „ ribus, & tam excellentibus donis Dei, bonis
 „ tuis. Quotquot eas legerunt, rapiunt, quia
 „ rapiuntur, cum legunt. Quàm suavis odor Chris-
 „ ti, & quàm fragrat, ex eis dici non potest. . .
 „ Et postea n. 3. Tu autem fecisti, ut non mihi
 „ parùm videatur, qui me in illa Epistola (25)
 „ tantis laudibus honorare dignatus es, ut cum
 „ tibi me refundo, si parùm hoc putem, tibi
 „ non credidisse convincat. Pudet me quidem
 „ tantum boni de me credere, sed plus piget tibi
 „ non credere. Est quod faciam, non me cre-
 „ dam talem, qualem putas, quoniam non ag-
 „ nosco; & credam me abs te diligi, quoniam
 „ sentio, & planè percipio: ita nec in me teme-
 „ rarius, nec in te ingratus extitero.

ECCLES. DOGM.

EX Epistola XXVIII. olim 8. scrip. an. 394.
 aut 395. ad Hieronymum, cognoscimus,
 præcipuum argumentum esse de nova post
 70. veteris Testamenti versione, deque Petro re-
 prehenso à Paulo ad Galat. 2. . . Ex illaque sequen-
 tes

tes eruimus Theses. Non statim à morte Christi legalia fuerunt mortifera. . . Reprehensio Petri à Paulo. Epist. ad Gal. cap. 2. v. 11. vera, synceraque fuit. . . Simulatio, officiosumvè mendacium nunquam licitum est. Prædictæ Conclusiones ex Epistolis 40. 73. & 82. deducuntur etiam, & in 180. ad Oceanum edocentur. . . Utque omnis ergà præsentem controversiam S. Parentis Augustini mens percipiat, & effugia aliquorum diluamus; asserimus, Cephæ reprehensum à Paulo alium non esse à Principe Apostolorum; quin ex hoc sequatur aut Petrum errasse in fide, aut Paulum procacem esse, ut blasphemabat Porphyrius.

ECCLES. MORAL.

IN Epistola XXIX. olim ejusdem n. scrip. an. 395. Alipio Episcopo Thagastensi Augustinus Presbyter Hipponensium Regionum narrat; quod adhortationibus ex Libris canonicis, præcipuèque ex Epistolis Pauli obtinerat, ut Hipponenses catholici abhorrerent à luxuriosis conviviis, quæ in SS. natalitiis apud Africanas Ecclesias celebrare mos erat. Hinc Nos propugnamus, quod Canon Hipponensis Concilij celebrati an. 393. Concilio III. Carthaginensi insertus, scilicet, *Vt nulli Episcopi vel Clerici in Ecclesiâ conviventur. . . Populi etiam ab hujusmodi conviviis, quantum fieri potest, prohibeantur*, haud dubiè, procurante Augustino tunc Presbytero, editus fuit.

EPIS-

